

17.25 CUNTRASTS SIN SRF 1

Patricia Scarpatetti – mamma per 36 uffants



Il plan da Patricia Scarpatetti da Cunter era: Ir a Honduras, s'engaschar per uffants en miseria e turnar suenter in onn. Il voluntariat en ina chasa d'uffants ha dentant midà tut. Suenter in onn è ella bain turnada en Svizra, il cor dentant è restà en l'America centrala. Ella è turnada a Honduras ed ha fundà in'atgna chasa d'uffants. Oz, 10 onns pli tard, viva ella cun 36 uffants a San Pedro Sula, ina da las pli privlusas citads dal mund. Malgrà che lur dachasa è circumdà da mirs e fils d'atschal è quai per Patricia Scarpatetti l'insla dal cletg – cun il num «Yo quiero ser». Qua vul ella dar ad uffants che han per part in'istorgia tragica, ina nova schanza. Pudair gidar n'è per ella betg ina lavur, mabain in privilegi. In che dovra blera energia e va magari vi da la sostanza. Ils «Cuntrasts» han accompagnà Patricia Scarpatetti durant sia lavur da mintgadi a Honduras.